



## Universitätsbibliothek Paderborn

**Novæ Observationes Et Additiones Ad A. R. P. D.  
Bartholomæi Gavanti Congreg. Cleric. Regul. S. Pauli ac  
Sac. Rit. Congregat. Consultoris Commentaria In Rubricas  
Missalis Et Breviarii Romani**

Adiectis Summorum Pontificum & Sac. Rit. Congreg. Decretis usque ad  
præsens emanatis

Complectens omnia Gavanti Commentaria in Rubricas Breviarii - Cum  
Indicibus Decretorum, Rerum atque Verborum notabilium

**Merati, Gaetano Maria**

**Augustæ Vindelicorum, 1740**

**VD18 10783695-002**

De Festis SS. mense Septembri. XI

**urn:nbn:de:hbz:466:1-39775**

tionem; Missæ primam, & secundam in Pameliano Codice; apud Antium celebris memoria, ex Actis S. Bonifacii Papæ tom. I. Concil. „ Hujus Festi mentio est in Sacramentario Gelasii & Calendario Frontonis „ Sacramentarium Gregorianum à Menardo editum, & Codex Gellonensis duas habent Missas, 1. In Natali Sancti Augustini, „ 2. In Natali S. Hermetis-- Codex perver- „ tuſtus Turonensis duas etiam exhibet Mis- „ sas-- 1. In Natali SS. Martyrum Erme- „ tis, & Juliani, 2. S. Augustini -- In alio „ Codice ejusdem Ecclesie tres assignantur „ Missæ, 1. de S. Ermete, 2. de S. Juliano, „ 3. de S. Aug.

29 Decollationis S. Johan. In Comite S. Hieron, & in Sacramentario Gregor. ubi omnes Missæ Orationes habentur, posteriores tamen Gregor. excepta prima, quæ à Missali Ambrosiano accepta est. „ Hujus Festi meminit Calendarium Martenianum hoc titulo-- Passio S. Johannis Baptiste-- Codex Gelasianus habet -- In die Passionis S. Johannis Baptiste -- In Calendario Fron- tonis habetur hoc Festum die sequenti. „ Manuel tit. de Fer. Hac die Caput est inventum, ex Gemma lib. 3. cap. 165. & placet Baronio in Martyr. hoc est, secunda inventione, nam obiit in die Annunciationis B. Virg. ex auctore Gemmae ibid. & imminente Paschate, ex Baronio loc. cit. qui addit, hac item die fuisse consecratam celebrem Ecclesiam Alexandriæ in honorem S. Johan. & reliquias ejusdem in ea reconditas: Semidupl. apud Durand. lib. 7. cap. 1. & in Brev. 1550. Dupl. à Pio V. qui de more mutavit primas, & 2. Lect. Officium Missæ aliud est in Antiph. Gregor. posterius Gregor. ex Pamelio, ut dictum est. Optarunt aliqui

hoc Festum fieri Dupl. majus, sicuti sunt alia minora Festa Apostolorum: sed neque dies hæc martyrii illius est, neque martyrium profide Christi, & Evangelio; neque statim in cœlum ivit; neque demeretur S. August. ut amittere debeat 2. Vesp. quas dividit cum S. Jo. quibus etiam de causis longè majus Festum est Nativitatis, quam Decoll. S. Joan. Aliam adde causam, quia Nativitas illius toti mundo magis profuit, tanquam Præcursoris Christi, quam Decoll. quæ illi soli utilis fuit; & multi, ait Angelus, in Nativitate ejus gaudebunt.

Sabinæ. In Antiph. „ Et Calendario Frontonis. „ Et Sacrament. S. Greg. sed deinde mutata sunt omnes Orationes Missæ quas tamen habet Pamel. Cod. Simpl. in MS. & 1550.

30 Felicis, & Adaucti. In eodem Sacra- ment. cum Orationibus omnibus Missæ, „ Missæ horum SS. Martyrum legitur in Co- dice Leonino, Calendario Frontonis. „ Simpl. in MS. & 1550. Officium Missæ ut in Antiphona Gregor.

„ S. Rosæ Limanae Virginis Ord. Predi- „ cat. Dupl. à Benedicto XIII. sub die 28. „ Jul. 1727. Lectiones secundi Nocturni „ propriæ, alias à S. C. approbatæ pro Re- „ gnis Hispaniarum, aliisque Dominiis, & „ Diocesisibus, Oratio pariter propria.

31 ♦ Raymundi Nonnati. Semidupl. ad libitum Clem. IX cum Oratione propria, ac Lect. 2. Nocturni. 13. Augusti 1669. ad Hymnum mutatur tertius vers. & in Martyrologio legatur primo loc.

„ Nunc Dupl. ab Innocentio XI. sub die „ 10. Mart. 1681. Lectiones secundi No- „ cturni propriæ, necnon Oratio.

### Cap. XI. De Festis Sanctorum Mense Septembri.

1 AE Gidii Abb. ab Urbano IV. ex Ra- dulph. citato à Schult. in Missæ Va- tican. volum. 3808. cum 9. Lect. apud Ra-

dulph. prop. 22. Simpl. in MS. & 1550. & à Pio V.

Duodecim Fratrum Romæ tantum ex Ra- dulph.

dulph. cit. In Missali Vaticano vol. 4770. Simplex in MS. & 1550.  
 " 2 S. Stephani Hungariæ Regis Confes-  
 " soris Semidupl. de præcepto ab Innocen-  
 " tio XI. die 19. Aprilis 1587. habet Le-  
 " ctiones propriæ pro secundo Nocturno,  
 " nec non Orationem.  
 " 4 In toto Statu Ecclesiastico, & in E-  
 " truria S. Rosæ Virginis Viterbiensis tertii  
 " Ordinis S. Francisci sub Ritu Duplici de  
 " præcepto à Benedicō XIII. sub die 18.  
 " Januarii 1728. Lectiones propriæ secun-  
 " di Nocturni, & Oratio propria, prout erant  
 " approbatæ pro Ordine Minorum.  
 " 5 S. Laurentii Justiniani Episcopi, &  
 " Confessi primi Venetiarum Patriarchæ  
 " Semid. ad libitum sub die 16. Decembris  
 " 1690. ab Alexandro VIII.  
 " 8 Nativitatis B. Virgin. Temporibus E-  
 " phesini, & Chalcedonensis Concil. diem Fe-  
 " stina hunc celebrari cœpsisse existimat Azor.  
 " part. 1. lib. 1. cap. 29. quæst. 1. at Baron. in  
*Notis Martyrol* non præsumit hoc dicere, quia in Concil. Moguntino videntur illius Patres hoc ignorasse Festum. Extant Orationes de hoc eodem Festo Chrysostomi, Procli, & Johan. Damasceni. Manuel meminit tit. cit. Certum est, quod apud Latinos non ubique celebratum fuit hoc Festum ante Augustinum, qui nullius hominis Nativitatem celebrari afferat, nisi Christi, & Johan. Serm. 20. & 21. de Sandis, quod si in Breviario hac die dicat Augustinus in Sermone: *tanta Virginis illustrata Natali:* & in secunda die infra Octavam, *tuam sanctam Nativitatē:* illa verba *Natali, Nativitatē* sunt ad- ventitia, mutata ab Ecclesia; pro quibus alia habet originalis textus, in Serm. 18. de SS. qui est 2. de Annunciatione. Habetur præterea Festum hoc in Comite S. Hieron. in Ord. Rom. & in Sacrament. Gregor. cum omnibus Orationibus Missa. " Habetur etiam in Codice Gelasiano, in Calendario Frontonis, & in vetustissimis MSS Codicibus ante annos 900. descriptis teste Mar- Gavant. Rubr. Brev.

" tene de antiqu. Eccles. discipl. cap. 34. n. 2.  
 " Codex Turonensis annorum 800. duas  
 " continet Missas de Nativit. B. V., S. Il-  
 " dephonius indicat hoc Festum in lib. de Virg.  
*Mariae* de quo etiam Sermonem habuit.  
 Post cum Bernardus meminit, rationemque  
 addidit, quia Sancta nata est. In Serm. in-  
 " per Salve Regina; atque ex cantu Angelorum  
 " hac die auditio statutum fuisse Festum, docet  
 Gemma lib. 3. cap. 166. tum Sergii Decreto  
 firmatum, ait Sigebertus in Chronico; sed for-  
 tas eo die indixit ille Litanias tantum, ut  
 ait Author Breviar. Chronol. qui & addit,  
 quod in Gallia post Ludovicum Pium cele-  
 brari cœpit. Duplex majus, ex Durand. lib.  
 7. cap. 1. Antiph. & Resp. à Jo. Damasceno  
 " composta post recuperatam abscessam ma-  
 " num, scribit Schulting. citans Martinum Con-  
 sentinum Archiepisc. lib. 4. Chron. in Siricio.  
 Nihil mutavit Pius V. Officium tamen Mis-  
 sa aliud est ab Antiph. Gregor. Ubi est Ti-  
 " tulus Ecclesiae Nativit. B. Virg. in tertio Noct.  
 vel de septima, & de octava Lectione fiant  
 tres, vel pro nona legatur septima diei se-  
 quentis infra Octav. parumque refert, si die  
 sequenti eadem repetatur. " Huic Festo  
 " Vigiliam inditam fuisse à Gregorio XI.  
 " afferit Radulphus Tungrensis in lib. de ob-  
 " servant. Canon. cap. 19. Et certè in vita  
 " dicti Gregorii à Bosqueto edita hæc legi-  
 " mus -- Secundò ordinavit, quod Nativi-  
 " tas B. Mariae Virginis haberet Vigiliam  
 " cum jejunio, pro qua etiam Officium pro-  
 " prium Missæ ordinavit.

Adriani. In Antiph. & Sacrament. Gre-  
 " gor. mutatis deinde Orationibus, & est trans-  
 " lationis Festum, quando Romanus ejus Cor-  
 " pus delatum est, ex Baron. in *Martyrol.* obiit  
 enim die 4. Martii. Commemoratio in MS.  
 Simplex in Brev. 1550. " Missa hujus Festi  
 " habetur etiam in Calendario Frontonis,  
 " Cod. Gellonensi, & aliis.

9 Gorgonii. In Antiph. & Sacrament.  
 " Gregor. cum omnibus Orationibus Missa;  
 " non tamen in Pameli. Cod. Simplex in MS.



& 1550. Posterius est Gregor. ex Pamelio.  
 „ Quod esse non potest, nam hujus Festi me-  
 minit Gelasii Sacramentarium.  
 „ Dominica infra Octavam Nativitatis B.  
 „ M.V. Celebratur Festum Nominis ejusdem  
 „ B. V. sub Ritu Duplici majori de pracepto  
 „ ab Innocentio XI. sub die 22. Novembris  
 „ 1693. cum Officio, & Missa propriis,  
 „ quæ postea sub die 5. Februarii 1694. ap-  
 „ probavit S. R. C. Anteà hoc Festum ce-  
 „ lebrabatur in plerisque Ecclesiis die 17.  
 „ hujus mensis cum Officio, & Missa ex  
 „ Indulto Apostolico, sed in memoriam in-  
 „ signis victoriae ab armis Christianis de  
 „ Turcis reportatae, & Civitatis Vienna ab  
 „ arctissima obsidione soluta, quotannis in  
 „ Ecclesia universalis ab omnibus utriusque  
 „ sexus, qui ad Horas Canonicas tenentur,  
 „ sub prædicto Ritu celebrari mandavit me-  
 „ moratus Pontifex Innocentius.

„ In predicto Festo SS. Nominis B. M. V.  
 „ non est facienda commemoratione de ejus-  
 „ dem Nativitate, & in secundis Vesperis  
 „ de Nativitate carentibus in Sabbato non  
 „ est facienda commemoratione de prædicto SS.  
 „ Nomine, ut decrevit S. R. C. die 23. Se-  
 „ ptembris 1684. Rursus si hoc Festum  
 „ SS. Nominis B. M. V. occurrerit in die 8.  
 „ Nativitatis ejusdem B. V. Officium erit de  
 „ Sanctissimo Nomine, omissa in utriusque  
 „ Vesperis, & Laudibus commemoratione  
 „ de predicta die Oct. Nativitatis: ita sta-  
 „ tuit, & declaravit S. R. C. die 15. Sept.  
 „ 1685. quæ pariter Congregatio sub die  
 „ 22. Januarii 1707. declaravit, quod si oc-  
 „ currerit apud Franciscanos dies Octava S.  
 „ Rose Viterbiensis in Dominicam infra  
 „ Octavam Nativitatis B. M. V. debeant  
 „ idem Franciscani Officium recitare de di-  
 „ eta Octava, protracto ulterius Festo SS.  
 „ Nominis ejusdem B. M. V. dies enim O-  
 „ ctava cuiuslibet Festi, quia non transfer-  
 „ tur, excludit, & transferri facit quodli-  
 „ bet Festum Duplex, sive majus, sive mi-  
 „ nus, solisque cedit Festis sollempnibus pri-

„ mæ, vel secundæ Classis, propter declara-  
 „ vit eadem S. C. 1. Martii 1681. idcirco  
 „ autem in Octava Nativitatis B. M. V. si  
 „ occurrat Festum dicti SS. sui Nominis Oct.  
 „ omititur, quia ambo sunt Festi ad eam  
 „ dem SS. Virginem spectantia, & prefer-  
 „ tur illud, quod est sub altiori Ritu. De-  
 „ niue si hoc Festum SS. Nominis B. M. V.  
 „ occurrat in Festo Exaltationis S. Crucis,  
 „ transfertur ad primam diem non impedi-  
 „ tam, ut declaravit S. R. C. 20. Jul. 1686,  
 „ & datur per extensum hoc Decretum in  
 „ nostro Indice sub nro. 156.

10 Nicolai de Tolentino. In Brev. Va-  
 tic. vol 4760. restituitur à Sixto V. 1585.  
 cum Officio, & duplice Ritu, sed compa-  
 ratione facta cum Nicolao Mirense Episc. &  
 quo hic Nicolaus prodit in lucem. Clem.  
 VIII. Semidupl. Ritu Festum decrevit fieri,  
 mutavitque Orationem. Si transferatur, mu-  
 tatur verius tertius in Hymno *ste confessi*.  
 Duplex denuò à Clemente IX.

11 Prothi, & Hyacinthi. In Antiphon.  
 & Sacrament. Gregor. „ Et in Calendariis  
 „ sepè laudatis. „ Romæ celebre Festum  
 fuisse docet Baron. in Martyr. ol. Simplex in  
 MS. & 1550. Gregorianum, ubi suprà. Fue-  
 re germani, teste S. Damaso in Epigram. quod  
 in recognito Martyrol. & B. ev. adnotatum  
 est; quare in Officio novem Lection. 8. Resp.  
 erit *Hac est vera*.

14 Exaltationis S. Crucis. Ante obitum  
 S. Jo. Chrysostomi, qui hac die obiit, & duos  
 de hoc Festo Sermones habuit. In Comite  
 S. Hieron. fit mentio; in Ord. Rom. & in  
 Sacrament. Gregor. habetur Secreta Missa  
 Oratio, qua nos utimur; reliquæ deinde  
 mutata fuerunt. „ Codex Gelasianus, &  
 „ Gregorianus duas hac die exhibent Missas,  
 „ 1. de Exaltatione SS. Crucis, 2. de SS. Cor-  
 „ nelio, & Cypriano; easdem habet Calen-  
 „ darium Frontonis. In vetusto Codice Tu-  
 „ ronensi tres continentur Missæ, duas de  
 „ Exaltatione S. Crucis, tertia de SS. Mar-  
 „ tyribus Cornelio, & Cypriano. In Codiciis

„ cibus Regio, & Gellonenſi tres etiam le-  
„ guntur, 1. de Exaltatione S. Crucis, 2. de  
„ SS. Cornelio, & Cypriano, 3. de S. Cy-  
„ priano propria. „ Honorius I. invixisse  
dicitur hoc Festum in Ecclesiam Orientalem  
anno 623. ex Platina; fortasse ampliavit.  
Quare Heraclii victoria longè posterior redi-  
didit illustriorem jam institutam celebrita-  
tem, quæ contigit anno 631. ex Sigebert.  
Semid. apud Duran. lib. 7. cap. 1. Duplex in  
MS. & 1550. Officium Gregor. mutavit  
aliqua Pius V. in Ref. & Lectionibus. Clem.  
VIII. in Hymno iussit dici: *In hac triumphi  
gloria.* Et declaravit etiam hoc Festum Du-  
plex majus. Officium Missæ Introitum tan-  
tum habet ex Antiph. Gregor.

15 Octava Nativitatis B. V. Ab Innoc. IV.  
ex Durand. lib. 7. cap. 28. hoc est, Officium  
ejusdem, ait Baron. in *Martyrol.* Beda enim  
meminit Octavas cum Radulph. propos. 19.  
qui eam numerat inter Octavas majores.  
Habetur in Missali Vaticano vol. 3808. Se-  
midupl. apud Durand. lib. 7. cap. 1. Duplex  
ab Alexand. IV. ut dicitur in Brev. 1550.  
Officium ab Innoc. IV. ex Platina an. 1246.  
qui & eidem tribuit Festum, sed falso, ut  
supr̄ innuimus. Pius V. infra Oct. ademit  
in primo Nocturno Lectiones de Canticis  
Canticorum quotidianas, exceptis prima, &  
ultima die, & mutavit Lectiones secundi, &  
tertii Nocturni.

Nicomidis. Olim die prima Junii, ex Be-  
da, Usuardo, & Adone. Habetur Officium  
Missæ in Antiph. & Sacrament. Gregor. cum  
omnibus Orationibus Missæ. „ Habetur in  
Calendario Frontonis, & Sacramentario  
Gellonenſi. „ Simplex in Breviar. MS.  
& 1550.

16 Cornelii, & Cypriani. Obiere tamen  
die 14. Septembris, qua, & sequenti impe-  
dita, data est iisdem hæc dies pro natali.  
De iis in Comite Hieron. & Sacram. Greg.  
ubi habetur prima, & ultima Oratio Missæ.  
Hoc Festum legimus etiam in Sacra-  
mentario Leonino, & Calendario Marteniano.

„ ac Missali Gothicō. „ De Cypriano Na-  
zianzenus orationem habuit, & sollemnius  
erat Festum apud Græcos. Extant aliorum  
sermones, Augustini 113. 114. 115. 116.  
de diversis: SS. Maximi, & Petri Chrysol.  
In Italia per autonomiam dicebatur cele-  
britas Cyprianea, ut scribit Procopius de bel-  
lis *Wandal.* Simplex in MS. & 1550. Semid.  
a Pio V. cum Offic. Lection. 1. Noct. de  
Comm. Martyr. cætemus fuerunt assignatae,  
quatenus de libro Tobiae cœptum sit legi:  
alioquin initium ejusdem legatur in hoc Fe-  
sto (qui casus contingit alicubi ob Festum  
solenne in Doin, die 13. Sept.) ne scilicet  
liber ille omittatur. Missæ Offic. discordat  
ab Antiph. Gregor.

Euphemia &c. A tempore Chalcedo-  
nenſis Concil. in Sacram. Gregor. divisim  
habentur: ubi etiam Orationes omnes, quæ  
nunc in Missa dicuntur. Pamelius numerat  
inter Officia Gregor. posteriora. „ Quod  
verum esse non potest, cum natale S. Eu-  
phemia notetur in Codicibus Leonino, &  
Gelasiano. Euphemia, & Lucia memi-  
nit etiam Calendarium Frontonis. Co-  
dex Gellonenſis duas habet Missas, unam  
de S. Euphemia, alteram de SS. Lucia, &  
Geminiano. „ In Antiph. Gregor. ante  
tempora Doni Papæ, ait Baron. in *Martyrol.*  
Manuel tit. de *Feriis*, cum novem Lect. in  
MS. & 1550. commemoratio tantum a  
Pio V.

„ Cum in hoc Festo SS. Cornelii, & Cy-  
priani pro commemoratione SS. Euphe-  
mia, & sociorum dicatur in primis Ve-  
sparis Antiphona *Gaudent in Cœlis*, & in  
Laudibus Antiphona *Istorum*, quæstuna  
fuit, utrum predictæ Antiphonæ dicen-  
dæ sint etiam, quando Officium SS. Cor-  
nelii, & Cypriani transfertur ex quo oc-  
currat in Dominica? & Sacra Congrega-  
tio sub die 14. Septembris 1709. respon-  
dit, quod in predicto casu in primis Ve-  
sparis Dominicæ pro commemoratione SS.  
Euphemia, & sociorum dicenda sit Anti-  
phona.



» phona *Ifforum*, & in Laudibus Antiphona,  
» *Veftri Capilli &c.*

17 Stigmatum S. Francisci. Baronius in *Martyrol.* scribit, Bened. XI. jussisse solle-  
mnicatem hanc celebrari Duplici Officio: id  
est, in Ordine S. Francisci: & lapsum, in  
*Martyrol. Rom.* jussisse Sixtum V. hac die re-  
censeri, additis ipsiusmet Sixti V. verbis.  
Deinde vero concessit Paulus V. celebrari  
eandem posse ad libitum Cleri. Duplici qui-  
dem Officio in Religione S. Francisci: extra  
eandem Semiduplici, ut patet ex prima edi-  
tione Romana, & Decreto S. R. C. die 28.  
Augusti 1615. & rursus die 2. Octob. 1627.  
Scriptis de hoc Festo Anton. Daza Minorita,  
& ait, universa Ecclesiae fuisse praeceptum  
sub Ritu Duplici à Benedicto XI. & à Paulo  
V. sed fallitur: tum quia Marcus Ulyssipon-  
ensis in suo *Chronico Minororum part. 1. cap.*  
59. aperte tradit, à Benedicto XI. datum  
esse Festum Duplex Ordini tantum S.  
Francisci: tum quia semel, & iterum decre-  
vit Sacra Rit. Congreg. Ritum Semiduplici-  
cem, ut diximas: tum quia ejusmodi Decre-  
to deleta sunt ea verba in 6. Lectione: *Offi-  
cio D. phii*: qua videbantur ad totum Cle-  
rbum attinere 6. Novemb. 1627. & ratio fa-  
vet: quia in Brev. secundaria SS. Festa longe  
sunt inferiora primariis, ut videre est in  
Duplicibus majoribus per annum: non ergo  
debet esse Festum Stigmatum aquale Feste  
primario S. Francisci, quod est Dupl. minus;  
congruit autem esse Duplex in Ord. Minor.  
ubi Festum primarium S. Francisci est Du-  
plex primæ Classis. Color albus adhibetur  
est, ut alias docuimus contra usum FF.  
Minorum. In *Martyrol.* Lect. si fiat Offic.  
ponatur 1. loco de præcepto à Clem. IX.  
» Nunc apud Min. in tali Feste adhibetur  
» color albus, iuxta Dec. S. R. C.

18 S. Thomæ de Villanova Episc. Se-  
mūl. ad libitum ab Alexand. VII. cum Orat.  
propria, Lect. 2. Noct. & Antiph. ad *Benedictus*. & ad *Hymnus*, die 17. Jun. 1639.  
Ad Hymn. mutatur tertius versus, & in Mar-

tyr. de eo legatur primo loco. „ Deinde Se-  
„ mid. de præcepto ab Innoc. XII. 4. Sept.  
„ 1694.

19 Januarii &c. Primus erat in Appen-  
dice Gregor. Apud Græcos ante Procopium,  
qui de hoc Festo scribit *lib. 2. de bello Gothicis*,  
cum sociis restitutum fuit à Sixto V. 1586.  
& cum Officio Semiduplici Clem. VIII. mu-  
tavit Evang. cum Homil. „ Nunc Duplex  
„ ab Innoc. XI. 7. Dec. 1676.

20 Vigilia S. Mathæi. Ut de Vigilia S.  
Andreae, & S. Thoma dictum est. In Co-  
mite Hieron. Evangelium, Officium Missæ  
in Antiph. & Sacram. Greg.

Eustachii &c. „ Unius Eustachii memi-  
nit Calendarium Frontonis. „ Appendix  
Sacrament. Gregor. habet hoc Festum Cal.  
Novembr. hac verò die Missale Vatic. vol.  
4743. commemorat. in MS. Simplex 1550.  
Pius V. ademit Lect. ob Homiliam Vigilia.  
Urbanus VIII. Ritu Semid. celebrari jussit,  
ad instantiam Mauriti Cardinalis à Sabaudia  
Diaconi ejusdem Ecclesie; cuius Lect. ap-  
probata fuerunt die 24. Novembr. 1625,  
addidicunt alijs sine facultate Resp. *Hec est  
vera*; quod non quadrat: alias dicendum es-  
set etiam in Festo SS. Marii, & Martha &c.  
19. Januar. eadem enim est ratio, patris,  
matris, & duorum filiorum; Non igitur est  
dicendum. \* Dupl. à Clem. X. die 26. Jan.  
1671.

21 Mathæi. Ut de S. Andrea. Comes S.  
Hieron. meminit. „ Sicut & Calendarium  
„ Martenianum. „ Oratio est Ambrosiana.  
Pius V. mutavit Lectiones omnes Offic. Mis-  
sa, ut in Antiph. & Greg. Sacram.

22 Mauriti &c. Primus in Antiph. Gre-  
gor. sed ex Pamelio post Gregorium; socii  
verò in Appendice Sacrament. „ Codex  
„ Corbejenis Ratoldi duas habet Missas de  
„ SS. Martyribus Mauricio, ejusque sociis.  
„ Missa ipsorum legitur etiam in Missali Go-  
„ thico-Gallicano. „ Simplex in MS. &  
1550. Officium Grégor. & Missæ præfer-  
tim, ut in citato Antiph.

23 Lini. In Appendix Gregor. Semidupl. ex Microl. cap. 43. Romæ tantum. Radulph. prop. 22. Simplex in MS. & 1550. Semid. restituitur à Pio V. mutavit autem Evangel. cum Homilia Clem. VIII.

Thecla. In Append. Gregor. Ubique celebre Festum, ait Baron. in Martirolo. cum novem Lection. in Brev. 1550. commemo-  
ratio à Pio V.

24 B. M: V. de Mercede Redemptio-  
nis Captivorum sub Ritu Duplici majori  
à Benedicto XIII. 22. Martii 1727. olim  
sub Ritu Duplici minori tantum de præ-  
cepto à S. R. C. 18. Februarii 1696. cum  
Oratione propria, ac Lectionibus, appro-  
bante etiam Innocentio XII. sub die 22.  
ejusdem Februarii, & anni 1696.

25 Cypriani, & Justinæ. In Appendix  
Greg. Simplex in MS. & 1550.

26 Cosmæ, & Damiani. In Sacram. Gregor. mutatis Orationibus omnibus Missæ:  
quas tamen nobis etiam communes Pamelianus  
habet Codex. „ Missa hujus Festi ha-  
betur etiam in Codice Gelasiano, & Ca-  
lendario Frontonis. „ Romæ celebrem  
eorum cultum ante Menolog. indicat Baron.  
in Martirolo. Manuel tit. de Feriis. Simplex  
in MS. & 1550. Semidupl. à Pio V. Offic.  
autem Missæ habetur in Antiph. Gregor. ubi  
& posterius esse S. Gregor. notat. Pamel.

27 Wenceslai Mart. Ducis Bohemiae.  
Novissimè à Clemente X. Semid. ad libitum  
cum Orat. propria, & Lect. 2. Noct. die 29.  
Nov. 1670.

„ Nunc Semiduplex de præcepto à Bene-  
dicto XIII. sub die 14. Martii 1729.  
Quapropter si hoc Officium occurrat in  
Dominica, vel in die infra Octavam, non  
omittitur, prout omittebatur quando erat  
ad libitum, sed infra Octavam potest ce-  
lebrari, & si occurrat in Dominica, debet  
transferri in primam diem non impedi-  
tam.

29 Dedicationis S. Michaelis in Monte  
seilicet Gargano, ait Martyr. Romanum.  
Habetur in Comite Hieron. & in Sacr. Gre-  
gor. cum omnibus Orationibus Missæ. „ In  
Calendario Frontonis, Codice Gelasiano  
& Sacramentario Leonino, in quo ita legi-  
tur: Basilice Angelis in Salaria; ex quo  
manifestum est hoc Festum à sui institu-  
tione nihil commune habere cum appari-  
tione S. Michaelis in Monte Gargano, nec  
illius Ecclesiæ dedicationem hac die cele-  
bratam fuisse, ut volunt Gavantus, &  
Martene, omnesque alii. Doctissimus  
Sacramentarii Leonini Editor rem nobis  
aperiet. „ In Concilio Moguntino cap. 6.  
Manuel tit. de Feriis. Ado inquit, ob dedi-  
cationem Ecclesiæ in mole Adriani; quam  
Baron. in Martirolo vult fuisse dedicatam à  
Bonifacio III. vel IV. qui sunt posteriores  
Gregor. Radulph. ait prop. 17. fieri ex au-  
toritate Apostolica. Gemma addit. ib. 3.  
cap. 167. ob victoriani fieri contra Paganos.  
Duplex apud Radulph. cit. & in Breviario  
1550. Officium est Greg. quod dici testatur  
Schulting. à Concilio 1. Triburiensi MS. ce-  
lebrato ann. 1030. Pius V. mutavit Lectiones  
primi, & secundi Nocturni, tum ordinem  
Responsor. tum Capitulum ad Sextam.  
Nota, quod ad octavam Lectionem dicitur;  
*Quorum festum colimus;* & quia est Festum o-  
mnium Angelorum, ut in Oratione, & Le-  
ctione quarta patet, & sequentibus, & quia  
Dedicatio hæc in Monte Gargano facta fuit  
in Michaelis, & Angelorum memoriam, ut  
expressè dicitur in Lectione sexta Festi Appa-  
ritionis, die 8. Maii. Officium Missæ ha-  
betur in Antiph. Greg. Si occurrat hoc Fe-  
stum in Dominica, convenit, ut Octava Le-  
ctioni jungatur nona, quæ de Angelis agit.

30 Hieronymi. In Sacram. Greg. cum di-  
versis tamen Orationibus Missæ. Ex Decreto  
Bonifacii VIII. Duplex. Pius V. mutavit  
Lectiones omnes.

